

乾隆烏程縣志

卷之十

陵墓

因澤國附

古帝王於先代幽隴或申樵採之禁或置守冢之人祗以  
篤遠崇賢意至厚也而良吏下車之始問墟表墓亦猶行  
斯道焉是以遠氏尙其邱墳柳季保其封樹明德不泯今  
昔共談而況地號陵陽蹟傳邱墓凡前賢體魄所藏其可  
稽焉不肖乎若夫掩骼阡原陳夢被澤紀之以昭仁誼且  
使異日無或犁爲田焉志陵墓第二十

漢

大司馬邱勝墓在縣西一十八里趙宋華表尙在

成化衡州府志

太尉施延墓在縣西二十四里

同上

吳

文帝陵在縣西北西陵山

西吳里誌

三國志孫和傳時連說曰大皇帝次葬明陵置園邑二百家令  
曲恭吳興守故集馬程之西陵乃吳太子葬處都城在其南故  
往往以陵陽名之如許渾書漢云誰堪從此去雲樹滿陵陽如  
李涉在維揚見吳興集全白買外報名宋應者作詩云陵陽夜  
宴使君難解語花枝在眼前皆指此也宋亦修寓居城廂劉名  
其詩曰陵陽集今人建  
不知有陵陽之者何也

景帝鈕皇后陵在升山北見石柱記

崇正烏鵲志

景帝鈕皇后陵在升山北見石柱記  
行吳景帝有知后然吳志陳休止有朱夫人諱無知后惟陳武  
帝后鈕皇后有知后然吳志陳休止有朱夫人諱無知后惟陳武  
東南古其城有知后然吳志陳休止有朱夫人諱無知后惟陳武  
黃亦在金陵次陳上皇皇后父景明追封齊德縣侯然吳志陳武  
安古縣其父安古君年與后父合葬吳興縣疑魯公所記鈕皇后  
陵后其父安古君年與后父合葬吳興縣疑魯公所記鈕皇后  
氏堂後地急陷窺之得窆穴中懸二棺土人皆疑而後下陰風  
而遂出以土覆之天寧寺為鈕氏捨宅建廟此或即后之父  
墓末可知也俗杜記墓穴古志有捨宅建廟此或即后之父  
后父葬下山今百姓開之以通墓所自載入法華寺路也據此  
則吳景帝果有鈕皇后矣然云父葬下  
山亦不實以景帝鈕皇后二陵並載也

然尚在傳疑存以俟考

中書令鈕淑墓縣西四十里 崇正烏程縣志

案此墓勢王業諸志皆無僅見劉志當別有所本姑存之  
又按石誌記有吳丹陽太守熱湖侯太史慈墓考洪容齋  
二筆云慈葬于新吳今洪州奉新縣邑人立祠敬祀色道  
中封靈惠侯則墓不在烏程審矣况三國志慈本傳明云  
為建昌都尉治海昏卒安得有丹陽太守之稱乎大凡信  
公所記如顧項家之類多不可信劉志附會以巧在法華  
寺東之石鳩尤  
今特闕之

晉

中大夫劉造墓在西余山頂上

西吳里誌傳造敦作壽藏乃得古冢家刻字云  
晉咸康間中大夫劉造并妻晉氏同葬于此

案石誌記晉侍中羅含墓及黃門侍郎潘尼墓考晉書  
含本傳云陽人以長沙掾致仕還家卒尼本傳中平人卒  
于楊州按史所云二入安得遠葬吳興而潘廣通志云羅  
含墓在朱陽南四十里益可證矣竄字記義尼墓在烏程  
縣東十里想亦因晉公記而  
附會者勢亦去之是也

朱

晉陵太守邱傑墓在縣西十八里 吳興統紀

宋南史保本傳並不  
言為太守疑統記帳

尚書右丞邱泉之墓在西北十四里

宋治州府志

案泉之即羽之弟明廟諱欽志仍舊文昇然考南  
史及宋書亦不言羽之為尚書右丞存之以闕疑

祕書監盧子衡墓在縣北八里

崇正烏程縣志

都亭侯吳建墓在縣東北十八里

同上

齊

宣城太守邱璽鞠墓見石柱記

嘉禾吳興志

梁

黃門侍郎邱延墓在縣南十六里

太平廣宇記

（注）改遷後以沈太僕侍郎中言昔湖州有人發古冢得碑乃  
南朝邱延墓其言延乃左史邱明之後然則邱明竟不姓左明石  
柱記遂按諸道石符錄云吳興縣邱氏大宋碑唐元和四年十月  
二十二日建步中言其發之碑始邱延墓是與急發為注左邱明本  
魯之左史繼守其職遂為姓誤會云邱姓出吳興河南二望風  
俗通曰魯左邱明之後葉簡黃泉亦云吳興邱延一姓之人皆  
姓邱有大邱列其泉  
上橋左史邱明之後

名康綢緞墓在縣西北十三里崇正烏程縣志

石柱記等按綢緞不知何許人南史有康綢藍田人仕梁武帝州刺史領安陸太守普通元年除衛尉卿未拜卒今云司空以

墓一領字恐未必是或者疑侍郎康直墓在縣北十八里崇正烏程縣志

原鄉侯章道昇墓在縣南一百里同上

陳

五兵尚書庾宗墓在縣西北十四里同上

歷陽太守胡鑑墓在縣西北五十九里同上

隋

吳興太守沈法興墓在縣東南八十六里萬歷湖州府志

陳郡太守王法表墓在縣西南二十七里崇正烏程縣志

唐

丞相李紳墓在縣南三十里裏山乾寧三年立墓碑成化湖州府志

進士龔軺墓在下山南

崇正烏程縣志

杜牧龔軺墓志會昌五年十二月某自秋浦移守桐廬路由錢塘龔軺和詩以進士名來謁時刺史趙郡李藩曰龔秀才詩人兼鼓琴因令操流沙弄清越可聽及飲酒頗攻章程謹雅而和飲罷某南去舟中閱其詩有山水閒淡之思後四年守吳興因與進士嚴惲及鬼神事嚴生曰有進士龔軺去歲來此坐客館中若有二人名軺者軺命馬甚速始跨鞍馬驚墮地折左脛旬日卒始了然憶錢塘見軺時徐徐尋思如昨日因知尙殯於野乃命軍吏徐良改葬于下山南去州城西北一十五里嚴生與軺善亦不知其鄉里源流故不得記嗚呼何爲而來二見驚馬折脛而死哉大中五年辛未五月二日記

樊川集

南康尉沈亞之墓在福山

崇正烏程縣志

牙

章閣待制安定先生胡瑗墓在何山元季寺僧掘之其  
墓爲寺地總管郝鑑培其所踣碑復故以武閣知縣  
樹建亭堂三間以祀旁屋二間以居守墓置久廢後天順中  
知府岳璠爲開神道仍建亭堂旁建屋十餘間命僧守之造扁  
立碑又於右旁培得先生子杭州察推志康之墓加封樹焉成  
化十年知府勞鉞更修墓有表思堂祭田二十畝知縣戴嘉猷  
益祭田三十畝

崇正烏程縣志

本朝雍正九年頒庫銀二百四十兩重修

歐陽修胡先生墓表先生諱瑗字翼之姓胡氏其上世爲陵  
州人後爲泰州如皋人先生爲人師言行而身化之使誠明  
者達昏愚者勵而頑傲者革故其爲法嚴而信爲道久而尊  
師道廢久矣自景祐明道以來學者有師惟先生暨泰山孫



明復石守道三人而先生之徒最盛其在湖州之學弟子去  
來常數百人各以其經轉相傳授其教學之法最脩行之數  
年東南之士莫不以仁義禮樂爲學慶歷四年天子開天章  
閣與大臣講天下事始慨然詔州縣皆立學於是建太學於  
京師而有司請下湖州取先生之法以爲太學法至今爲著  
令後十餘年先生始來居太學學者自遠而至太學不能容  
取旁官署以爲學舍禮部貢舉歲所得士先生弟子十常居  
四五其高第者知名當時或取科甲居顯仕其餘散在四方  
隨其人賢愚皆循循雅飭其言談舉止過之不問可知爲先  
生弟子其學者相語稱先生不問可知爲胡公也先生初以  
白衣見天子論樂拜祕書省校書郎辟丹州軍事推官改密  
州觀察推官丁父憂去職服除爲保寧軍節度推官遂居湖  
學名爲諸王官教授數以疾免旣而以太子中舍致仕

中丞於家皇祐中舉名至京師議樂復以爲大理評事兼太常寺主簿又以疾辭歲餘爲光祿寺丞國子監直講乃居太學遷大理寺丞賜緋衣銀魚嘉祐元年遷太子中允充天章閣侍講仍居太學已而病不能朝天子數遣使者存問又以太常博士致仕東歸之日太學之諸生與朝廷賢士大夫送之東門執弟子禮路人嗟歎以爲榮以四年六月六日卒於杭州享年六十有七以明年十月五日葬於烏程何山之原其世次官邑與其行事莆陽蔡君謨具誌於幽堂嗚呼先生之德在乎人不待表而見於後世然非此無以慰學者之思乃揭於其墓之原六年八月三日述

歐陽文忠公集

蔡襄太常博士致仕胡君墓誌胡氏世居長安詢爲唐兵部尙書其孫翺因亂畱蜀爲僞尉陵州刺史蜀平歸京師終衛尉卿於君爲曾祖生泰州司寇叅軍諱修已卒葬海陵司寇

生寧海軍節度推官諱訥贈太子中允博學善屬文呂文靖  
公夷簡嘗薦其書脩修國史君其長子也少有氣節頗意經  
學兼通律呂之法景祐中范文正公仲淹上言君知古樂名  
見拜試秘書省校書郎嘉祐間還官政從其子志康杭州節  
度推官以就奉養四年六月六日終於杭州葬於湖州烏程  
何山

蔡忠惠公集

牟應龍湖州路總管郝侯祠記安定先生葬於湖州何山至  
元間墓地忽爲隣僧所奪毀其瓦伐其樹碎其碑以絕省掃  
之路郝侯始至躬率屬官往諭以理僧知墓非寺地始歸之  
遂命甃其塋域繚以垣墉揆日之吉偕同僚暨諸生行釋菜  
禮廉訪僉事撒德彌大書安定文昭公之墓七字刻石置之  
冢上侯名鑒字子明廬龍人

吳興藝文補

張羽復墓序安定先生之教始于蘓湖而行于天下厥後伊

洛關閩之學興而師道盛蓋庶乎先生之功先生教子湖葬  
於湖其墓及於佛舍元初僧徒言其墓不利于寺乃踣墓表  
神道冀以滅跡諸儒訴之吏弗白乃瘞衣冠爲虛墓歲時望  
祭久之得所踣碑於土中墓祀復故國初嘗遣吏廖民田  
僧乘計帳未定復詭墓爲寺地四明孫侯成知縣事始復其  
隱復加封樹前建亭堂三間以祀神旁爲屋三間以棲守者  
上其事於朝遂著爲祀令湖先生遺化之國也於是湖之士  
人咸相慶焉爲之詩曰儒墨不相能水火不相如弗慎厥墓  
乃隣其廬伐樹什碑盜我抔土孰知先生不繫於墓昔侵今  
歸昔廢今圖口惟是邪有賢大夫彼虞其興此休其廢人之  
賢恩天壤不啻惟墓之復大夫之功惟教之行不自我躬仁  
義禮樂明體適用高行深化夫誰不頌苟墓之圖而教弗繇  
匪大夫之愧伊先生之憂我作之詩歌於鄉校孰爲先生我

往受教

同上

湛若水胡安定先生墓田記嘉靖四年太守馬君曾始蒞湖郡乃考圖志舊於里正曰其墓在何山麓者其守墓之田若干畝在某里某里者其悉以白余爾所不白則有恒罰於是胡氏之裔孫聯芳者以墓田見侵之狀白於府府盡得其狀田盡復而墓可守中丞陳公鳳梧至郡躬謁其墓視亭堂之圯壞命新之乃并重封其墓而增祀焉

甘泉先生集

吏部郎中張先墓在千山多寶寺西

廣化湖州府志

張文剛墓在鳳凰山

崇正烏程縣志

王安石張常勝墓誌銘君湖州烏程縣人姓張氏名文剛字常勝好學能文孝友順祥再舉進士不第年二十也熙寧五年九月九日卒以六年二月五日葬於鳳凰山曾祖任祖維贈刑部侍郎父先尚書都官郎中致仕女三人君妻予從父

妹也故君從予學銘曰才足以貴而吳之知華足以壽而止

於斯嗚呼逝矣爲銘以哀之

王荆公集

朝請大夫盛升墓在金蒜山

崇正縣志

俞墓在城南蘇灣

狀通考

劉一止墓在澄靜鄉上其石柱猶存

成化湖州府志

谷溪集劉公行狀公與三十年十二月卒

司封員外郎張昞墓在

山崇正烏程縣志

王安石張君墓誌銘君諱昞字聖休餘杭人曾祖曰浩祖曰

文寶勿仕考曰延進仕至左侍禁贈官至左驍騎將軍君少

孤與其弟祇皆文行知名以布衣教授宗室後中進士第歷

宣城縣主簿撫州司法參軍用舉者遷大理寺丞知雅州名

山洪州奉新兩縣監海州榷貨務通判池廣兩州乃自尚書

屯田員外郎召拜殿中侍御史用磨勘遷侍御史劾奏殿前

都指揮使郭承祐恃恩驕慢論宦官雖高不當坐侍燕而謫  
請求者又論不當禁諫官御史風聞言事仁宗皆以爲然君  
之爲吏也數決疑獄所至稱辦及是言事又能舉其職方是  
時爲御史者拔舉多不次君素寬裕靜退恥以彈治人行用  
未幾卽稱疾求出乃知安州州大治會卒人追喪車慟哭初  
驍騎府君監湖州兵遂葬下山至是君從葬云銘曰有美張  
君質靜寬徐進非所好人用稱譽視利在前蹲循勿趨退施  
一州用智之餘噫其葬矣次有銘書 王荆公集

宗正少卿姚舜仁墓在澄靜鄉趙村

崇正烏程縣志

朝請郎陶旒墓在法華山之原

同上

汪藻朝請郎陶君墓表銘陶氏自征西將軍爲東晉名臣數  
世而靖節先生繼之遂爲著姓然世家江州不知居吳興者  
何別也君諱旒字季成吳興人曾祖浚祖謹世以詩書著子

父象進士起家卒官承議郎通判鄂州以君故贈朝請大夫  
君少孤力學中元符三年進士乙科調陝西司理叅軍益貫  
用兵陝西請君從君辭師旅非所學貫遣客諭君幕府綜文  
書而一石非所及又固辭而貫亦不能強也知邢州任縣  
坐小法免爲台州軍事判官濶州司兵曹事改宜義郎時卿  
奇丞掾號美官寒士得之尤難當路有知君者欲以此畱君  
君度食貧置京師非便求金壇令以歸其不汲汲于進取如  
此罷金壇如京師卽日詣曹以已所嘗得者調官於是又知  
鄆之管城變之夷陽杭之富陽低徊數邑幾二十年晚於吏  
部之格稍升而君不堪久次寧貶損以從其所安在東陽時  
俗喜國家藏鑑仗閭里苦之更數令莫能禁君痛懲之風俗  
爲變人皆安堵至畫像祠君蓋君不以希世爲心故臨事明  
敏毅然敢爲所居可紀他人莫之及也積官至朝請郎賜五



品服年六十四卒於富陽清政和宣和間士大夫尙奔競苟  
秋毫之利可以闕身者必巧謀捷步以取之君獨怡然靜退  
甘心州縣以老略無幾微見於言面所謂安於所遇者如君  
非耶元室吳氏次室郭氏皆封安人一子曰定今爲從仕郎  
知潭州善化縣一孫曰遷建炎四年六月癸酉定奉君葬湖  
州烏程縣法華之原台安人吳氏之墓後二十一年定來求  
銘銘曰世競馳之已靜持之世依違之已勇爲之仕雖柅之  
志則起之村山竄之著蔡宜之隨而碑之詩以系之

浮溪集

葉清臣母永安太君墓在弁山倪鳴學正烏程縣志

吳興守故清臣欲葬其母墓有秀石來謁云松蔭落處卽是穴翌日三弁南倪鳴達有松蔭頭其前遂卜地於此

孝子曹清墓縣東四十里西陽村

嘉慶州府志

尙書左丞葉夢得墓在弁山國禪寺左

同上

尙書右僕射沈該墓縣西三十五里石柱尙存

同上

事朱仁福墓在南澤石街巷仁福從征方臘有功卒軍中賜葬於此南澤志

清河郡王張俊墓在菁山石墓尙存崇正烏程縣志

禮部侍郎衛膚敏墓在戴塢同上

秀安僖王子偁墓在菁山成化湖州府志

嗣秀王伯圭墓在菁山同上

沈東老墓在菁山市北崇正烏程縣志

中奉大夫李弼儒朝奉大夫李迎墓在三碑鄉同上

周必大本君墓表君諱迎字彥將曾祖章太常少卿祖百朋中奉大夫父弼儒石中奉大夫直祕閣君補將仕郎趙忠簡公鎮豫章辟知靖安縣改知錢塘縣坐事罷起知金華縣乾道初通判臨安府秩滿歸寓湖州新市鎮蕭寺中手抄聖賢治心養性之要時時賦詩自樂淳熙改元俄遇微疾端坐而

逝是歲九月丁未也享年七十有二明年正月己酉葬湖州烏程縣三碑鄉金山原祕閣墓之左以子升朝累贈中奉大夫妻令人周氏永嘉名士周行已恭叔之女官京師與祕閣善君未弱冠能文辭故以女歸之後君十一年八十三而卒耐葬四子結尙書度支員外郎綜早世絳平江府司法參軍綺今爲泰州如皋令君潔淨通敏有可用之才輒違而去之長子持節近甸人以爲榮君視之泊如也惟榮辱得喪未嘗屑屑胸次故其終神識湛然可以窺所蘊矣慶元三年閏六月周某述

平園集

右丞相葛郊墓在縣西南五十里

萬曆湖州府志

尙書倪思墓在縣西北一十五里

同上

魏了翁倪公墓誌銘公諱思正甫字也歸安人父僑太常主簿贈少師從橫浦張公遊舉進士公少師第三子也器質凝

重擢乾道二年進士淳熙五年中博學鴻詞科進士  
十三年大旱公封事累數千言立見施行起遷著作郎光宗  
即位請日引職事官輪對名將帥訪問以知其才否除中書  
舍人紹熙二年兼待講以大雪震電求言公謂大臣重直給  
諫緘默講讀官門員節鉞迎刺輕溫內廷好賜金幣州縣苑  
急商農愁歎無名之賦久議而未蠲疆場之備不修緩急必  
悞事時官闕頗與外事公因進講懇懇言之度元元年爲吏  
部侍郎出知太平州新學校完城郭百廢具興民不知役五  
奉官祠召爲兵部尙書嘉定元年兼給事中在瑣闥一百六  
日雖小事必言進禮部尙書力請外補除知福州踰月免二  
年復元官陳傅邊十事連疏請老不聽十三年十月以通奉  
大夫領護閩學士歸安縣開國伯致仕是月丙子卒享年七  
十有四特贈光祿大夫明年謚公文節妻淑人沈氏吏部尙

書虛中女先十一年卒男六人祖仁通判南劍州祖義朝奉  
大夫祖禮知金谿縣祖智承直郎祖信通判袁州祖常通直  
郎公仕五十年官二品本身清約直道屢黜而於牛李之黨  
終無所阿居數郡有實德在民純忠表裏全節始終惻平簡  
策矣銘曰惟文節公懷誠秉忠相維周趙且不苟同況於韓  
史尙肯爾從巖立孤從如千丈松八爲郡守八領祠宮位既  
弗稱用亦同終彼濫竽者浮雲飄風公之大節吳高比崇史  
官博士策名諫功我銘申之勒榮邱封魏鶴山大全集  
知武進縣袁儒墓在厲山子直友附吳正烏程縣志

葉適袁聲史墓誌銘聲史名直友幼而奇傑父延儒知武進  
葬於烏程厲山道上連駟馬冢旁直百家焉張丞相雖貶符  
離孝宗意尙銳論者爭言虜酋擊君獨疏今比勾踐棲會稽  
時相勝願且須後卒割地而和虞丞相復謀出蜀師會長安

君曰吳氏挾虜自重久矣今誠能僭指使從我乎虞公默然  
蜀師不果出韓侂冑以虜自爲功士大夫不敢問君語侂冑  
自古君倡而後臣和以人臣專大任伐諸葛亮雖爲忠桓溫  
劉裕爲篡矣侂冑不若此年稍和又贊上書及與執政多論  
天下事袁氏司徒裔孫邵甫醜紹述之亂逃徙上虞袁晁反  
浙東邵甫之後復醜之又逃徙閩故爲建安人子敏儒通判  
滄洲餉軍白溝河軍敗死之廷儒漣水軍司戶女真陷漣水  
亦死之季卽武進用滄洲恩補官素狎秦丞相無比附意秦  
不喜武進竟不往君舉進士不中爲常州推官棄去於嘉定  
六年二月二日卒年八十五月六日附於武進之墓銘曰遠  
矣辟史匪競匪營以節爲身千載同清尙其後昆無改厥承

水心集

邢越王墓在澄靜鄉

辰化湖州府志

尚書左僕射朱勝非墓在縣西三十五里同上

尚書程公許墓在縣南三十六里同上

戶部侍郎趙與峕墓在東華山子昂父也石柱尙存同上

趙孟頫先侍郎胙表府君諱舉曾字中父胙出宋太祖自秀  
安僖王五世而至府君皆家吳興尚傳王生崇憲靖王伯圭  
崇憲王生新興恭肅王師垂恭肅王生通議府君韋希永  
仕宋朝奉太夫直華文閣累贈通議大夫是爲府君王考妣  
碩人鄭氏府君生而秀令弱冠以通議蔭補官度宗踐阼拜  
戶部侍郎兼知臨安府浙西安撫使咸淳元年三月疾卒於  
府治實廿三日也遺表開度宗震悼賜銀三百兩絹三百疋  
以敘贈銀青光祿大夫歸安縣開國子府君生於嘉定癸酉  
十一月八日享年五十有三娶李氏先十五年卒累贈碩人  
子八人孟頫孟頴孟頵孟頶孟頷孟頽孟頽杭州

歸儒學教授孟頫滄鹽使孟頫同知南劍州餘皆常仕宋而  
頫頌已死府君卒之年葬湖州烏程縣澄靜鄉並村越十一  
年墓毀於盜至元庚辰改卜城南車蓋山之原徙葬焉府君  
性好學躬布衣韋帶之行才任治劇而為政務豈弟所至皆  
有惠愛先友禮部侍郎東平劉公震孫諫之曰府君於時為  
循吏於朝為名卿於國為信厚公族世以為知言至大元年  
十二月述

松雪齋集

學士牟子才墓在善山

萬正湖州府志

大理少卿牟嶽墓在三碑鄉九里山

同上

端明殿學士高斯得墓在西崦山

崇正烏程縣志

詩人李薌墓在何山

同上

案舊志有翰林閣直三克明墓墓在何山墓本心集然志云淳熙五年六月卒其明年八月壬寅子大受等葬君於烏程新鄉義安里平山而未歸也紹熙二年大受請於上改葬矣曰某州縣某山某月日下云云則是克明已改



葬不知何所矣永樂安  
得尚有墓存乎故闕之

元

吳江州知州唐子華墓縣西南二十五里沈村

崇正烏程縣志

張羽唐君墓羽君諱棟字子華先世錢塘徙吳興君長從名  
儒善解悟餘力習繪畫舉筆有師法時趙文敏公一見君輒  
奇之出入門下郡守馬侯德昌與語合未幾擢秋官遂進薦  
仁宗詔繪嘉福殿御屏揮洒立就天子稱賞待詔集賢院日  
從文臣名相遊聲聞大震除徽州路休寧縣尹休寧俗尙剛  
猛馭以義卽伏馴先是豪民好爲併兼貧民至空產賦往往  
逋亡君至獨釐其弊具爲科條首理學宮敦崇化本五年獄  
訟止息課爲江東最以老去官民塑像祀春秋進奉議大夫  
平江路吳江知州致仕卒年六十有九葬烏程澄靜鄉配蔣  
氏合葬焉

吳興藝文補

元主簿牟應龍墓在三碑鄉

成化湖州府志

虞集牟先生墓誌銘先生故宋朝奉直學士彭州贈通奉大夫  
桂之曾孫資政殿學士正奉大夫累贈元祿大夫諡清忠子  
才之孫朝奉大夫大理寺少卿獻之子也以世賞奏京官以  
上元縣主簿致仕娶楊氏先十二年卒再娶程氏子五人必  
遠必大必達必勝必昌卒於泰定甲子三月享年七十有八  
以是年五月乙酉葬於湖州烏程縣三碑鄉允山之原先是  
集省墓吳門先生手爲書命其弟以門人進士陳潤祖所述  
平生來告日子之言可信於世蓋及我著小傳集承命不敢  
當泰定二年冬程夫人之弟某縣尹晉輔以先生之子勝書  
來請銘集惟家世仁壽與先生同鄉里其何敢辭銘曰學與  
爲博寶藏有作運化參錯掇拾偏駁欺世之作文孰爲榮江  
漢之東浩浩不窮補緝彌縫嚙嚙粗工有餘而歲不足而張

我懷先生豈私其鄉斯文有傳互世不誣銘以信之不其然乎

道學古錄

婺源知州程卽墓在永新鄉桃塢

正身程墓志

黃潛程公墓志公會祖公許嘉定四年進士官至刑部尙書諡忠文始出蜀而僑居於湖州祖諱子泳贈奉直大夫考諱繩翁朝散大夫將作監入皇朝以公貴贈奉訓大夫台州路黃巖州知州飛騎尉追封烏程縣男妣陶氏追封烏程縣君公爲文博敏宏肆有奇氣前代遺老如尙書陳公存叅政文公及翁大卿牟公燾與公居同郡咸器重之三爲縣婺源州知州致仕旣歸杜門不出手植五柳於前庭扁曰柳軒舍下環以松菊西連觴詠俄感微疾談笑端坐而逝享年七十八娶史氏封烏程縣君子男四人長游兩浙都運鹽使司海沙場鹽司管勾次潛次洽次潛孫男八人葬烏程縣永新鄉桃

塢先生之旁公爲人溫良易直未嘗言自標榜與人交無所  
珍與後生談前朝文獻歷歷如指掌言誘人爲善不深於疾  
惡故賢者親而愛之不賢者敬而畏之

黃文忠公集

官陽縣尹倪淵墓在毘山

崇正烏程縣志

黃潛倪公墓志公之先汴人宋靖康時五世祖南以武升危  
從南遷於錢塘四世祖某又徙家烏程故今爲湖州人曾祖  
俊民勿仕祖樸年用同知樞密院事謝公堂奏補官終於某  
路兵馬監押父守真鄉稱善人入國朝以公貴

務郎松

造次必

出於禮家人未嘗見其惰容居官朝出蒞事暮歸讀書課子  
弟或至夜分不寐既老於家杜門罕與人事接子男三人長  
驥次駿松江府儒學教授次騫孫男六人曾孫二人葬烏程  
縣德政鄉毘山先墓之次銘曰知人之明古以爲難群求氣

應夫豈偶然公初有逢迎姑而進執不驛公爭翔競奮大道  
甚夷公行徐徐既揚其英發而不舒白首一官老於文學本  
闡聖謨以閒後學晚乃佐邑求究所施依復引年納祿而歸  
加恩增秩不煩以事數岳而歌優游卒歲儲祉則豐升於來  
昆尙克自振益抗其門史氏作銘言無益美寫之方珉揚芬  
千祀

黃文獻公集

明

工部尙書嚴震直墓在西塞山

成化間州府志

茹瑺嚴公神道碑聖天子親乾符克清海宇繼承大統則屏  
森用賢以理庶務首慮四方之民未獲安所乃分遣廷臣撫  
之由是資善大夫工部尙書嚴公簡在茲選制日卿乃先朝  
舊臣宜往山西宣布朕意公受命往焉驅馳至澤州遭疾卒  
於公館實洪武三十五年九月十一日也計聞盛悼違命主

孤宗禮昇柩歸葬檄所經郡邑以助其力起永樂元年

十九日喪事葬郡之烏程縣九原鄉西塞山之原公愛是山

因自號西塞翁嘗曰吾死葬於是蓋治命也獻徵錄

家氏家志先司空於壬午七月廿三日出都至九月十二日殯於山西澤州之滹陽年癸未正月十九日歸葬喪事忠誠伯茹

臨城神道碑可據也其在雲南遇建文君否金而死之說他如吾學信古者等所云策不敢載九世孫所撰

兵部尚書溫祥卿墓在仁王山康熙烏程縣志

崇正程縣志按神道碑仁縣人元末避亂居興耿文炳見而奇之薦于高皇帝累徵有功仕至兵部尚書公子孫遷居烏程

盛者甚

將軍張虬墓在舊館同上

大理寺丞陳援墓在仁王山乾隆湖州府志

胡儼陳公墓表公卒於永樂甲午冬十二月十有二日宜人

某氏秉禮教執婦道內助為多壽六十有六而卒題宣德五

年庚戌九月五日是年十一月二十七日與公合葬于祖塋

後公之歿十有七年也子四人長即實次俊次仍鄉貢進士  
次仿女一人陸媛適錢勝孫五人秉中時中敬中允中守中  
孫女五人長適沈英餘在室公之履歷始終具載如右其德  
善著於君臣父子之間及周窮而不悛施論刑而存乎哀  
矜可謂不負所學而能推已及物者是不可以泯故爲論著  
特詳後之求公者必將有徵於斯文至積善餘慶則天之報  
施必有在焉同上

石象都御史陸矩墓在下菰城香林山去治湖州府志

河南叅政張翼墓在鮑山順治湖州府志

翰林侍講陳秉中墓在弁山

黎淳陳公墓志銘翰林侍講一清先生吳師陳公其生永樂  
壬寅六月十日卒成化乙未四月三十日而霍孺人子男遠  
娶王氏女二長適郡人吳瑣次適縣學生公遠將葬公於

介甫之墓乃自述父行來諸銘銘

川吳興分銘

監祥刑碧迎善氣惟公挺秀襲慶降臨綸閣炳其休光

志紀坤儀史書聖績惟忠惟貞服勞王公同翰苑握彼院

章高文傑作聲振四方孝克酬親義真諧公胡不百年享其

豐祿惟昔三人簡自帝袞落落晨星公忽訢公終嗟雲從龍龍

飛遠舉雲亦還山敘其華美嗟風從虎虎終莫追風斯返土

偃彼惠威青山起墳澤流允嗣太史作辭世哲來世

湖錄

太保刑部尚書諡莊懿閣壁墓在金蓋山

歐陽修

都御史張廉墓在鮑山

明治湖州府志

應天府尹陸珩墓在香林山

同上

知府王濟墓在庚村

劉清惠公集

劉麟雨舟王公墓銘作牧殊方鮮不悖道乃有寶長弗弛弗  
榮宣文振紀以來以勞君子之堂君子之德管成曰歸

以



寄傲漢興輝流有區有要慨昔多聞有識有造秦書漢隸議  
評獨到鼎鑊詭秘既收入奧慎而多見敦修允蹈事賢友仁  
晚益憶憶乃睦乃任去施厚道猶子是後方予有報維良攸  
徂維鄉凋耗栗栗貞珉詞以永告森森樂以式者是悼同上

工部尙書蔣瑤墓在金墓山山止烏程縣志

處士孫一元墓在道場山歸雲菴之東同上

本朝知府吳綺建太白亭乾隆三年長興縣知縣鮑鈺修學義樹  
立石表之乾隆州府

王世貞醉孫太初墓詩死不必孫與子生不必父與祖突作  
憑陵千古人依然寂寞一杯土道場山陰五十秋那能華表  
鶴來游君看太華蓮花掌應有笙歌在上丹州山人集

鄭善夫謁孫太初墓詩草堂零惡能羽化竟何如那復烏藤  
杖空傳白鹿車若邱亦鍾鼎天地卽蓬廬白首林君復終無

封禪書 少谷集

謝肇淛弔太初墓詩路入歸雲一徑幽青山落日滿松楸老  
僧廢寺瓢猶挂詞客荒墳草自秋九月空林蟬蛩百年殘  
碣上蝸牛共將杯酒澆千古腸斷滄江天際流 下菰集

王程公孫太初墓詩一抔青塚白雲岑破屋殘碑雪片深  
欲探梅塢遺蹟九原何處覓知音 王百穀集

吳綺歸雲墓拜孫太初墓詩何處覓榛闌林中宿草斑殘碑  
生白雲高士有青山春淺花猶夢天空鶴未還託交憐異代  
惆悵交陽間 杜蕙堂集

又憶蓮月詞并序孫太初墓在道場山麓卽孫一元葬處  
在荆榛中無過而問者余力爲修葺作太白墓覆其上集諸  
名士落成之吳兆馬偉業爲碑今去郡又二十年不知樵夫  
牧子猶知有詩人否也作憶蘿月遶東歸早黃鶴空華表我

去赤城仙路杳幾度成秋草酒杯詩卷何年風流已散胡天  
只恐桃花時候月明長聽啼鵲

同上

施閏章同吳湖州飲孫太初墓側詩客子有山癖主人借遊  
具道峯跡盡日將暮行廚置酒雲歸處雲深古木號悲風松  
陰醉酒山人墓作亭表墓始阿誰延陵望古心相慕於平山  
人何如人挂瓢詞翰今猶存空同作傳少谷序後來憑弔皆  
銷冤集烟薜荔哭山鬼老僧薺藻如兒孫世間萬事東流水  
眼前且盡酒一尊殘碑風雨猶磨滅人生何似南山石

思山集

鮑鈺孫太初墓表聖清乾隆三年四月十又一日逗留郡城  
乃作道場山之遊拜孫太初先生墓觀宰木之斬掘傷幽圻  
之陷欽慨然興懷越日出俸錢募工修治補植松柏若干柯  
以妥高士靈用表後代矜式

奉化知縣徐獻忠墓在九霞山

介州山人集

王世貞徐先生墓志銘嘉靖己巳秋八月三日有吳興  
前奉化令長谷徐君捐館舍春秋七十有七吳郡王世  
部吳興爲經紀其喪而志之君葬九霞山之陽去其父

千里

同上

贈少保沈端墓在熱字一圩金家兜

崇正烏程縣志

副使施儒墓在菁山

順治湖州府志

僉憲孫濟墓在邱路

乾隆湖州府志

宮保諡莊僖張永明墓在榮祿村白龍山

同上

刑部主事唐樞墓在妙音陳村

康熙烏程縣志

刑部侍郎沈應龍墓在烏鎮懸字圩

湖錄

副使邵南墓在康山

崇正烏程縣志

知府潘仲駿墓在吳幹山

同上

工部尚書潘季馴墓在三墩

同上

兵部侍郎陸穩墓在汪家山

同上

奉新知縣陳容墓在道場都福山

康熙烏程縣志

太常寺卿陳行健墓在肇村

崇正烏程縣志

祭酒范應期墓在場字二圩

康熙烏程縣志

思南知府姚邦材墓在多寶山

崇正烏程縣志

剡州守陳行簡墓在蕭家墩

康熙烏程縣志

行太僕寺卿韓紹墓在羅山

崇正烏程縣志

贈大學士沈端靖墓在官澤山

同上

知縣封御史姚舜牧墓在金斗山

同上

僉都御史王豫墓在古坡

康熙烏程縣志

工部郎中潘大復墓在屏風山

崇正烏程縣志

辰州知府吳維冠墓在王母山

同上

禮部員外王謙墓在杼山

同上

刑部主事嚴錫墓在黃山同前

刑部主事嚴錫墓在黃山釣魚潭東烈烏程縣志

江西叅政潘士達墓在弁山崇正烏程縣志

兵部尚書閔夢得墓在晟舍同前

黃道周閔公墓志公世自莊懿公而上四世爲官保莊懿公仲子贈別駕琴軒公聞生上思公宜勵宜勵生教諭石林公德慶德慶生龍池公一范皆以公貴贈太子太保兵部尚書凡九葉一品者八爲天下極盛公生嘉靖丙寅五月十七日巳時薨於崇正丁丑六月二十日申時壽七十有二子豫生以恩嗣娶孫氏卽太夫人孫女女一適錢太學濬孫男四雲祺雲蔽雲冰雲祚祺祚祚皆官生公以一品禮予祭九壇造墳安葬碩夫人祔焉卽在晟舍里西偏公所卜吉也甲申亥月葬黃石齋集

太保俞汝尚墓在臨湖門外東濠村毘山澆東

處化湖州府志

廣西僉事臧懋中墓在菁山

康熙烏程縣志

福建布政蔡善繼墓在亭頭村

崇正烏程縣志

翰林院修撰韓敬墓在仁王山

康熙烏程縣志

太僕寺卿吳炯墓在羅山

崇正烏程縣志

副使吳瓊墓在庚村孫女邱節婦墓附

同上

僉都御史潘曾紘墓在吳幹山

湖錄

御史吳振纓墓在棲賢山楓樹嶺後

吳氏家譜

御史慎榮墓在下沈村

慎氏家譜

江西副使潘士達墓在漁山

康熙烏程縣志

中書舍人陳光述墓在羅眺村

同上

徽州府推官溫璜墓在道場山

同上

徵仕郎凌後嘉墓在嘉四圩

同上

大理寺卿謚忠介愛義渠墓在驢村北 知府吳緒非墓在驢村北

七品散官陳昇三世墓在壠山 康熙烏程縣志

文行徐守綱墓在九原鄉大山 乾隆湖州府志

費氏孝義墓在道場山社頭村 康熙烏程縣志

本朝

孝子陳子英墓在祖山

貞孝先生沈澈墓在干山

福寧總兵贈左都督費俊墓在菁山雍正元年 諭祭葬 禮部尚書任蘭

校禮部子贈奉政大夫戶部員外郎啓昭附 編修范世

漏澤園凡有數處一在定安門外駱駝灣郡人汪鎮程必安程子

謙置一在峴山傍郡紳蔡升元置一在青塘門外知縣羅懷素置

一在白雀寺半路亭左里人公置 且字一圩田根入前區比諸

陳勸有碑記 一在臨湖門外趙灣郡人呈知縣羅懷素捐置一在蘇灣



邑人楊九成置一在白雀吳村里人鮑漢文置

山地十五畝不  
利永為義塚

有一在趙灣村新安程大經置

山六畝并義田五分為培冢之用

一在南潯南柵箋字一圩廣十餘畝里人徐宏述等置

新安義塚在三區石家墳後康熙十二年新安善士趙永恒程章

基程翥程之麟倡義公置平山三十四畝旁得一庵名曰淨樂

置飯僧田三畝俾司登記防侵越四十六年庵後復建文間三

間四十七年又募置平山九十五畝四方無力卜葬者亦得瘞

此又歸安商人抵償引費開上吉埠山田四畝在五十三年

趙龍朱塢村地一畝五分在六十一庄地名康雍正十二年改

義冢

局程縣志卷之十一

鄉鎮 坊巷附

周官詳鄉遂之制縣隸遂而卑於鄉今之縣比古之侯國於是鄉又隸縣矣若夫元魏時設統萬懷朔六鎮大抵皆列兵戍守而隋唐因之今所謂鎮特縣之聚落耳程邑舊置十三鄉其他墟里以百數而潯水烏墩舟船輻輳民物殷贍尤為郡中要地謹据舊志列其遠近附以坊巷邨市之尤著者具於篇志鄉鎮第二十一

唐管鄉四十名無考

宋初為鄉三十一

行山豐樂仁鳳白鶴雲水麻杏崇禮孝行至孝廣德永新德政豐寧豐澤豐泰元福寧

萬歲保安崇孝常樂德昭國亭九原三碑順德長尾程澤樂佑太平興國中割十五鄉置歸安

縣為鄉止十有六景德中又併其三止管十三鄉熙寧中復併

白鶴豐樂二鄉實管十一鄉後分震澤鄉為上下扇為里五十

六

明成化八年仍為十二鄉五十三都併在城八界共二百八十二

里

永新 一都至六都里十四日義安至建城山永定百頭

三碑 七都至九都里七日太廟車

登靜 一都至十二都里六日先化

九原 十三都至十五都里七日金斗

營水 十六都至十九都里

震壽 二十都至二十三都里

德政 二十四都至二十八都

常樂 二十九都至三十四都

震澤 三十五都至三十九都下四十都至四

移風 四十四都至四十八都里六日

崇孝四十九都至五十三都里四

青山市在縣西南三十六里三都

妙喜市在縣西南四十里十都

官澤村上吉村俱在縣南七十里一都

上錢村下黃村俱在縣南六十里二都

茅山村午山村李村俱在縣南五十里四都

上沃村俞埠村丁埠村俱在縣南六十五里五都

橫山村許墓村下蘇村俱在縣南三十里六都

包坑村錢山村前刺村俱在縣南十五里七都

桑濱村在縣南五里十六都

黃墅村在縣南十里九都

稍坑村樹嶺村俱在縣南四十里十都

上庵村在縣西二十里十一都

夏王村在縣西二十里相傳夏王村巡狩至此亦名王村

錢起題王村山叟屋壁詩谷口好泉石居人能陸沉牛羊上

山小烟雨隔林深一徑入溪色數家連竹陰藏虹解晚雨驚

隼落殘禽涉趣皆傷目將歸羨在林卻思黃紉事寧負紫芝

心

上基村姜村萬眺村俱在縣西二十里十二都

避村趙村俱在縣西四十里十三都

楊家庄村在縣西七里十四都

八字橋村在縣西三十里十五都

夾村潘塘村道場村湖村康山村外庄村奚家庄村俱在縣南七

里八都

龍灣村在縣北十里十七都

楊家埠姚灣村仁王山村趙灣村俱在縣北二十五里十八都

塘村得本村俱在縣北十五里十九都

上村永洪村俱在縣北十里二十都

大史灣在縣北二十里二十一都

盧村小梅村俱在縣北二十里二十二都

紫密村大苞村小苞村俱在縣北二十里二十三都

大錢村仁塘灣蔡塔村俱在縣北十五里二十四都

昆山村灘沮村三墩村邵墓村俱在縣北十五里二十五都

楊灣村抄溪村俱在縣北十里二十六都

東塘村八里店俱在縣東十里二十七都

錢村昇山村舊山村俱在縣東二十里二十八都

成舍村棲梧村俱在縣東三十里二十九都

舊館村上陂村俱在縣東三十六里三十都

陂村在縣東五十里三十一都

織里村小湖村俱在縣東五十里三十二都

祐村在縣東五十里三十九都

采塘村六里橋村俱在縣東七十里四十都

楊渡五善村俱在縣東八十里四十一都

後林村談港村秧澤村俱在縣東四十五里三十三都

大湖村上元村通橋村俱在縣東四十五里三十四都

上林村在縣東八十里三十五都相傳董氏有梅枝葉發畝許名

梅林高宗渡江駐蹕名諸臣宴梅下賦詩乃更上林

輒村在縣東六十里三十六都

沈家灣在縣東四十五里三十七都

謝村五方村俱在縣東南五十五里三十八都

福圓村北莊村俱在縣東七十里四十二都

七里村俞塔村俱在縣東八十里四十四都

安國村在縣東南六十里四十三都

安國村寶雲村息塘村俱在縣東南九十五里四十六都

安國村橫塘村俱在縣東南九十五里四十七都

安國村在縣東南九十五里四十八都

適界村在縣東南九十五里四十九都

西陽村在縣東南九十五里五十都

丁涇村在縣東南九十五里五十一都

前潘村小洪村俱在縣東南九十五里五十二都

吳場村在縣東南九十五里五十三都

安國村古山村俱在縣東南一百里五十四都

南潯鎮秦漢屬烏程縣晉至唐皆仍舊宋分潯溪以東屬吳江縣  
本鎮報國寺碑記理宗端平元年八月所稱不曰南潯不曰鎮  
而曰南林按其篇中所稱述南林之名自皇朝開禧已然而朱



文獻家錄載其先世於度宗咸淳五年二月請印押狀則又稱  
南潯鎮且設有官守矣元張士誠據湖州於鎮增築城墻遣人  
守之明兵至南潯遂降鎮屬烏程縣震澤下鄉十七區四十三  
都其市廛雲屯栁比周遭四訖自東柵至西柵三里水則運河  
陸則荻塘也距運河而南至柵五里自荻塘而北至柵二里東  
至平望鎮五十三里東北至吳江縣治九十餘里離東柵外百  
步卽吳江地北至太湖二十里南至烏青鎮三十餘里

戴表元東離湖州泊南潯詩張帆出東郭沽酒問南潯盡屋  
蘆花淨紅隄柳樹深魚腹寒滿港樹市盡成林吾道真迂闊

浮家何越吟

戴表元集

文徵明夜泊南潯詩荷春寒漠漠柳重叢燈火南潯夜泊舟風  
勢北來疑雨至波光南望接天流百年雲水原無定一笑江  
湖本浪遊願是故人同旅宿清樽相對散牢愁

甫田集

吳絳九日同黃九烟南渚秋泛詩正會相攜上木蘭南林秋  
泛水雲寬由來此日莫輕負向後欲遊應漸寒秫米登場家  
醕熟蓼花吹袂客衣單此身雖健干戈滿世須多七返丹

林憲

克集

元重修南潯城記江浙等處行中書省分省石丞濡公以至  
正丙申夏四月鎮吳興郡仁流威暢保釐方面屹居磐石時  
則有□都事張□謀議而又有□掾史袁君佐幕府相與誕  
敷文德丕闢武功至於今賴之政治閒暇防禦愼密乃作南  
潯城以修湖□之□爲慮亦遠矣庚子八月行中書省選萬  
戶徐侯俾守茲土侯見城圯狀其事以聞相君曰吾固知之  
乃言於太尉及得請遂命侯董其役凡木石工食之費一取  
於官而任其責者則附近六鄉之里正獨其雜役使事致其  
力侯承□謹身爲之勸不敢懈怠民亦更相告戒趨事赴功

周敢遵令始於至正辛丑三月丙寅迄於七月丙辰完工按城周一千六十六丈有五尺崇三丈廣如崇得三之一金城粉堞石樞危巖倚天深根入地雖曰修治若經始然觀者以爲微中書省之選不能盡侯之才微侯豈能承中書省命之重此名此城相與傳之不朽矣

烏鎮在府城東九十里一名烏墩一名烏戍本與嘉興府桐鄉縣之青鎮東西相望昇平既久戶口日繁十里以內民居相接烟火萬家二鎮聯而爲一中以市河一道爲界因合呼曰烏青鎮河東則仍屬桐鄉爲青鎮河西則仍屬烏程曰烏鎮二鎮之四柵八隅則爲江浙二省湖嘉蘇三府烏程歸安石門桐鄉秀水吳江震澤七縣錯壤地百貨聯集而鹽梟盜賊出沒其間東西通輸越數武卽爲隣境文檄鈞稽動需時日明嘉靖中里人原任副使施儒請分立縣治於此時朝議以吳江爲畿內邑不

新地入他省乃以湖州府通判移駐其地以資彈壓

木朝因之

烏青文獻吳成兵備越於此故名吳成烏青者吳之鄉也亦曰烏  
曠以地脈坐起高平四野也舊志云烏青又云越諸子爭  
君長海上分封於此越烏餘氏又云因越將軍烏賁得名然  
古山寺碑吳成通中立已云烏嶺烏青附屬書烏仲振附在咸  
運後章得謂烏之名因賁  
耶里俗附會不悉其來又

樓鑰烏成道中詩田在港西家港東斷橋春水步難通東落  
扶藟穩來去不礙小船分釣筒 攻媿集

宋伯仁夜過烏鎮詩望極模糊古樹林灣灣溪港似難尋秋  
蘆花重霜初下桑柘陰移月未沉恨別情懷難盡酒送衣時  
節怕聞砧夜行船上山歌意說盡還家一片心 烏青志

趙孟頫游烏鎮次千瀨長老韻浮國人烟一聚開時看華屋  
山林端已諒竹院心源淨更上松樓眼界寬千古不磨唯佛

法百年多病只偏冠相逢已足詩  
且去他日重尋想未寒

集

王守仁烏鎮晚泊詩風雨烏鎮晚停舟  
閒看游烟花春欲盡

惆悵遠溪頭

王文成公集

沈明臣晚泊烏鎮詩烏溪疏碧水青  
澹結村霞編戶餘諸色

江村欲蒔家大帆收估客老樹集啼  
鴉我亦來弔棹行吟到

日斜

吳興華文補

葛邲舟過烏戍值雨少憩晚復晴水調  
歌頭前帆腹飽天際

樹髮渺雲頭翠光千頃爲誰來去爲  
誰問疑是吳宮西子淡

掃修簷一抹粧羅玉奩秋中流送行  
客卻立擎桴樓風色

變隄草亂浪花愁跳珠湖漲潏雷掣  
電幾時收應是陽侯喜

相催我臂中錦繡清唱鳴榔殘霞似  
相待一縷烟汀洲細

大錢鎮在縣北二十里太湖口有巡司駐劄

縣在縣東五十里卽古東遷縣

在城坊巷

烏氏程氏二坊在縣南

宣化坊明正統十三年知縣宋彬建

熙和坊在縣南二里

武功坊在縣南

仁里坊在縣東南一里

宋狀元坊卽舊陰坊以賈安宅改立

政平坊在縣東南一里

梯雲坊在縣南

保寧坊縣南一里

通津坊縣東南一里

平康坊舊名衆樂在市街瓦子巷口

豐樂坊縣東南一里

和樂坊在豐樂坊東

德政坊在縣東

政教坊縣西景泰三年知縣宋彬立

元善坊縣東二百步

毓良坊縣東景泰二年知縣宋彬立

成民坊在儀鳳橋南

前溪坊儀鳳橋南一里

熙春坊在縣東一里黃沙路

永安坊縣東一里

擁旌坊在縣東

登瀛坊在縣東

近市坊縣東三百步小市巷口

言坊縣東北一里

通坊縣東一里

中書坊縣東北一里

清華坊縣東北一里

朝岳坊縣北三百步

浮玉坊縣西五十八步

茗陽坊浮玉亭西

桃李坊縣西街

白華坊孝子潘綜居此故名焉

定安門直北至儀鳳橋街有邊箕巷過馬公橋而北至潮音路口

又北爲倒雪巷前溪巷三井巷至所巷口分界歸安左自便民

倉而北有堂子巷又北爲亂石橋巷姚家巷唐鴨巷荆堂巷曲

尺巷太平巷至旱濟路口



儀鳳橋南堍轉西過旱瀆橋爲小西街有油車巷高巷石鸞巷北齊巷朝陽巷過回龍橋有西油車巷直至西城

儀鳳橋北堍直街爲觀風巷右至黃沙路口北爲經堂巷左至察院路口又北爲廣貨橋路口又北爲小官路口又北爲養濟院路口又北爲三官廟路口又北爲安定祠路口界分歸安舊有漆器西泥吳果近市車欄吳莫郊家石皮等巷今無攷

儀鳳橋北堍轉東北至府前街有東堤子巷竹竿巷小市巷泥堂巷直下河巷雙井巷館驛河巷積善巷浮牌巷牛場巷又轉東有新開河巷推坵巷閻家巷范家巷宋家巷至兩平橋巷分界歸安

縣橋西堍直至縣前街有西堤子巷宋家巷竹木巷社廟巷獅子巷茶瓶巷楊梅巷

縣橋西堍轉北至迎祥門街有鴉場巷曹家巷范家巷

學前街直南至馬埠有喬梓巷俗呼轎子巷至入太常寺廟  
行健題其坊曰青雲得路知縣陳經正重修今廢

潮音橋東境街一至展家橋過橫塘分界歸安一至歸安南倉門  
通南城一至渡生橋分界歸安通演武場

### 二鎮坊巷

狀元坊在南灣北柵

文奎坊在錢字一圩以上南灣

常春坊自南門西街至安利橋

仁里坊自安利橋至澄江門

通書坊自安利橋西街至通書門

榮慶坊自廣濟橋至烏將軍廟

積善坊自廣濟橋至嶽廟前

石皮巷在富春橋西

唐家巷在登瀛橋之南

祝家巷在報本橋

周家巷在衆安橋南

桃花巷在衆安橋西

波斯巷在興德橋西

甘泉巷在金蓮塔對面

西寺巷北瓦子巷在安利橋南

香水巷在安利橋南

茅家巷在普寧橋西

獅子巷在獅子橋西

缸行巷在普濟橋西

勞家巷在佑聖宮之南

巷在梯雲橋北

庄巷在北利濟寺南

夏家巷通慶元橋

巷在利濟寺橋北

巷在飛蓋橋北

巷在斜路橋北

西茅家巷在安利橋西

陳家巷在金家橋西

官人巷在官人橋東

馬家巷在金鼓橋東

沈家巷在金鼓橋西

花家巷在顧家橋東

顧家巷在通安橋

西陳家巷在平等橋西

斗門巷在平等橋

潘家巷在西利濟院西

街巷在通濟橋西

周家巷在長明堂巷東

西長明堂巷在仁濟橋東

西牆巷在普靜寺西

寺後巷在普靜寺後

南街巷在廣濟橋西

衆善巷在廣濟橋西

嘉會巷在廣濟橋西

新街巷在嘉會巷口

唐墓巷在廣福寺之東

北府巷在大悲橋西

坊巷在通安橋南

府移巷在官人橋以上烏鎮

# 津梁

湖城溪流輪委自邑里以逮郊坰通波瀾汗流往納來咸  
有石杠飛梁駕乎其上若夫溪廣之所歲賃船人艤舟待  
渡雖公私啓度或殊要以濟人而利涉其爲惠普泥則均  
也瞰蜿蜒虹之在望製巨筏而絕流斯亦政術攸關宜勤屢  
省者矣志津梁第二十二

縣橋縣東六十步景泰三年知縣宋彬建上有游息亭

虹橋在縣橋南

眺谷橋在虹橋南明縣丞丁文炳捐俸加修跋足可達城外山谷  
故名

儀鳳橋在縣治東南苦溪上唐儀鳳中置因名宋天聖三年知州  
事高慎交重建紹熙三年燬於火易名紹熙明萬歷三十年里  
人鄧佩募修天啓五年知縣馬思理捐俸創修

本朝順治十五年知府劉愈奇重建

本朝康熙二十七年知府潘麒姓重建

韓敬重修儀鳳青銅二橋記  
乘衆之和者必用時之暇古循吏往往假此以興千萬年之利而食其賜者不知也今日州縣之力暇乎自軍需繹騷括索肆出百僚不食祿者久矣加以凌雲未就柏梁未成窮崖絕谷咸出其材以應將作之求何況通都大邑垂魚結綬之倫有不驅子來以趨大壯者乎烏程馬侯乘是時而有郭內外兩橋之繕客有疑不暇者侯笑曰是誠不暇也獎之義也有因不獎則不獎尼之飭也有侯不飭則愈起吾不忍於尼而獨忍於獎乎今日已不暇矣豈異日反更有暇乎公帑無可徵私錢固可捐也間左無可煩好義固可勸也下令凡區戶而羣情翕鳩緡錢土石不脛而至甃梁雁齒翼然俱還舊觀侯所爲用衆以用暇者此其



一班矣侯在事五年孱黎得以倚命水旱凶穰先事有備四  
履之外幅輦晏如吾邑朴儉橋道所直無歌亭舞館之繁無  
畫柱雕欄之飾要以行其上者質絲出市不聞追呼之聲棹  
其下者載薪還家不見石壕之吏熙熙化日誰賈貽之若夫  
儀鳳之鳴爲高岡青銅之鑄爲水鏡兩橋之名先若爲公而  
設哉侯名思理號還初開之長樂人天啓壬戌進士程正爲  
潮音橋舊爲渡在慈感寺前以近奉觀音大士故名兩岸皆有渡  
亭嘉靖十八年知府魏濟建橋萬歷三十年傾知府陳幼學重  
建改亭爲閣崇正三年東亭燬知府金廷鑑葺

本朝乾隆八年八月西亭燬南翁三井二舖居民重建

釋覺澄慈感渡西岸石塔文傳天台宗教比丘覺澄所得土

方缺五渡西岸建造青石舍利寶塔二所奉供缺方世諸

佛菩薩聖賢功德祝延皇帝萬歲重臣千秋風祥雨順國泰

民安灾障不生常修白業次冀諸天八部正直聰明晝夜守護毋令侵毀更願諸天舍嗜慾之心地獄離煎熬之苦往來觀瞻稽首合爪盡悟法華三昧速證阿惟越致虛空有盡此塔常存情與無情同躋淨域淳祐九年正月吉日慈感教院住持傳天台宗教比丘邱覺證誌願

石刻見存

沈微於潮音橋兩亭記湖郡定安門納南來諸水瀦注入城深廣病涉故設渡以利往來設東西亭以蔽待渡者風雨西亭刻石塔輪運快便勢如轉輪嘉靖己亥郡侯魏公更渡爲橋萬歷乙巳郡侯翁塘陳公鼎新此橋而亭特加以層樓戕殺對峙幾三十年民間不成於火延及東亭郡侯金公同胡邑侯履地勘厥多方設處不踰時而兩亭煥然往來者咸誦公之善里中陳生屬予紀其顛末於石金公諱廷璧江西進賢人崇正庚午春仲記

石刻見存

公橋在便民倉前

亂石橋在縣治東南

本朝康熙十二年重修

華橋在縣治東南

沈尚書橋在縣治東南尚書沈介建故名

韋壇橋旱漬橋回龍橋在縣治東南

廣化橋在縣治東舊有廣化寺俗呼廣貨橋

獵場橋曹公廟橋在縣治東北

兩平橋在縣治東北歸安分界處以市廛交易兩平故名

展家橋在縣治東南接歸安界通橫塘里中展氏無子其婿徐璣

不飲沒其外氏建橋以傳故名

渡生橋在縣治東南接歸安界

定安橋在定安門外俗名愈思橋又名驛西橋以在蒼溪驛西也

明萬歷中知府陳幼學葺塘治亭并新之易名定安

本朝雍正十年知府唐紹祖重修繕路

章嘉正重修定安橋記蒼溪東來與餘不前溪北流水諸派合而入定安門經帶包絡乎郡治則定安橋實其咽喉云每歲桃花麥黃水發澎湃貫橋而下如建瓴然舟至引紐以渡東爲蒼溪驛往往鱗集其左右橋之要害視諸橋特甚太守筠塘陳公治郡之四年百廢俱興乃定安最後有圯徵矣歲方大澍公焦心荒政邦人不忍以告公開而愀然曰時方誦而舉羸吾力不贍也倘其大壞而後葺之力尤不贍也與其事倍功不能半孰與圖難於易費省而民享攸往之利於是殫力拮据捐俸括貲若十緡鳩工庀材七閱月而告成基無拓於舊而高過之堅倍之虹影巍然水陸莫枕公之爲吾國計者深矣廣矣守茲土者而皆公之心其何弗成之有予

敏從父老之請而爲之

卷一百一十五

唐紹祖重修繇路記安吉長興縣北處上游諸山之水合流而下至郡之西門折而東騁西橋當東南要衝水石相搏悍尤甚每遇洪濤泛漲時舟之遠流而上者難覆覆者難傍向有隙地可以牽舟居民覆以簷瓦翼然障水而舟人至無所施其力余按求故道亟命民撤去一椽而牽舟者矣利西有晏公廟水漸緩地勢亦平濶而岸久傾圯不復立命工人葺石畚土築八丈有奇而停泊有所矣又於廟前立石柱二橋東豎巨樁三緇以大索而舟之播蕩於波中者有所憑藉矣庶幾轉危爲安而不致以覆溺見告是亦利民之一術也雖然物之成毀有時而事之廢興難料今故道之堙者復出抑烏知其不更堙耶岸之圯者復完烏知其不更圯耶索有時而朽木石有時而破壞也此吾之所不及知者也

後之人因吾說而畱意焉則斯民其終幸矣雍正壬子冬日  
沈店橋在定安門外郭西灣諸水所出明天啓中知縣馬思理重  
修

知稼橋張王廟樹皮橋俱在定安門外

壇前橋在定安門外峴山北山川壇前後四小平橋皆知府陳幼  
學疏通以洩郭西灣之水

百名橋在峴山南塘舊名通安橋以通定安門故名內通村落數  
百故又曰百名

本朝乾隆二年知縣羅懷重修

繞連橋在峴山南塘明萬歷中知府陳幼學以橋內小水爲放生  
池改名放生橋

玩花橋在峴山寺先是建百花洲於水中央故名今壽昌寺  
上

海橋在峴山南相傳宋太守蘇軾嘗泊舟於此故名

輞橋在城南十里前輞村

南道場溪橋在城南十二里橋壩

北道場溪橋在城南十三里橋壩

鮑山橋在城南十五里鮑山村

晏公橋在定安橋西

永昌橋在定安門外三碑鄉明景泰三年知縣宋彬主簿顧立以水近大溪民多病涉建橋以洩水勢上有亭今廢

橫渚塘橋在城西南跨龍溪上舊爲渡明萬歷三十二年知府陳幼學命僧如松募建

昌濟橋在城西南十里橋壩

石河橋在城西南十二里夾山漾

廣春橋在城西南十五里跨漾灣

鍾家橋古塘橋俱在城西南二十里王市村

渡船橋在城西南二十里渡船村

三里橋在城西南二十三里妙喜石橋村

高橋在城西南二十六里橋壩

寺橋王家橋俱在城西南三十里妙喜市

黃浦橋在村山

胭脂橋在清源門外戰河西

安樂橋在戰河東

包家橋永豐橋廣福橋俱在清源門外

積善橋在清源門外龍溪口明天啓中寓公華亭吳炯建

迎龍橋在清源門外亦跨龍溪

東橋在城西八里跨楊家正河

本朝嘉正六年里人方行慎孫文揆等募衆重修



八字橋在城西八里跨塘

中橋在城西九里跨楊家庄河

西橋埭門橋在城西十里楊家庄河

寶積橋在城西二十里橋埭

仁和橋在楊家埭

趙二圍橋在城西二十里趙灣

關道橋在城西二十五里番牆埭七家村

關水橋在城西三十里番水港

四安埭橋在城西三十二里跨塘

永安橋在城西四十里跨四安塘

里安橋在潘店村

潘店橋在城西四十里龍溪

申八字橋南八字橋俱在城西四十里八字橋村

福臻橋在城西四十三里橋壩塘口

楊環橋瓜橋俱在城西四十五里瓜山村

迎禧橋在迎禧門外明成化九年知府勞鉞建

丁澄重建迎禧橋記郡城西北出迎禧門百餘武有溪縈迴數十餘里發源自天目趨於具區溪旁腴田沃壤未易以頃畝計溪上有橋名曰弔蓋前人欲便往來而作初不知其水之難泄也故凡樹藝田壤屢遭災耗爲患久矣邇來僉臬司事吳公奉勅提督水利詢及其患乃率知府勞侯偕往而相其便宜擇水勢平緩之處距橋下流八十步撤其舊而創構之侯乃計徙府庫財用哀士民之義助撤公帑之羨儲得白金一百二十兩糜粟百三十三斛命耆老卜斌沈鳳董其役槿輿成化九年十二月訖工明年五月其崇二尋三尺廣尋羨亦如之袤亘五洞而施兩岸爲尋二十該四尺凡

丈計一百二十二立水盤之上而爲柱者一十六匠以工計計千八百有奇夫役倍之郡之士民觀其規制宏壯莫不嘉歎以爲是橋之成耕者免水思行者免厲揭將來利濟容有既乎請如門之扁而更曰迎禧余故備書其事俾勒諸貞石庶來者有所考焉公名瑞字廷玉順天豐潤縣人由監察御史陞今官侯名鏡字廷器江西德化縣人由太僕丞擢今職

云 成化間所建

青塘橋在迎禧橋北元至元初縣丞宋文鑿捐貲斲石砌萬歷中知府李賡重修更名永賴天啓中知縣馬思理修崇正壬午知府陸自發重建改名永豐

本朝康熙己未知府胡瑾重修易以石板仍名青塘

陸自巖改建永豐橋碑湖郡發脈弁山迤邐仁王諸岫而過峽於迎禧門昔人因其地跨石虹於上名曰青塘萬歷壬午

守舊及泉李公以斯橋當刺津而鐵道流爲湖郡聚氣豐財  
之本措貲修葺延今六十年連歲雨暘爲厲稼穡不登自余  
庚辰來守茲土所以懸積困而惠災黎者緩徵抑訟而外無  
奇策焉矧敢歲絀舉賴而傷物力惟是茲橋之廢興關一郡  
之利病今者橋廢逸流無制水清弗聚地氣不收然則斯橋  
之興與迫未可以物力阻也先是郡民告饑余倡義輸賑僚  
屬同聲赴義約得萬二千餘金導鄉城置粥廠數百餘所活  
頗衆計發賑之外尙存千餘金可資工料其有不敷郡之賢  
士大夫次第捐輸因與諸父老規其地而經始之告成之日  
改顏曰永豐橋誌斯橋爲郡屬億萬生靈攸繫祝之也是役  
也率先倡舉捐貲爲遠甚嚴公次則存懷唐公訥如吳公季  
清程子作我上人共襄厥事而與余割俸錢以助觀成者則  
貳守何公徵識別駕朱公晉昭司理陳公丹邱數君子之協

治均未可泯也。正三年陽月上浣三日

康熙烏程縣志

孫在豐重修青塘橋。硤湖郡津梁以百數而青塘橋獨當茗與霄交會之處。合而入於太湖。溪流瀾瀾道場何升諸峯左右屏列雉堞參差室廬森布輪蹄負戴之屬不絕於道非獨便利涉也。蓋亦據形勝焉。橋始建於元至元初明成化甲午復更新之。繼修於正德己卯嘉靖癸巳間嗣是李公及臬陳公銓賻馬公還初陸公友洙俱以賢守令來撫茲土次第修築旋圯旋復因是弗壞垂四十年歲久則弊衆咸病之。太守胡公治郡之三年驅車至止慨然太息爰是首捐已貲爲各屬倡郡佐暨七州縣共襄厥事縉紳士民之有力者亦間捐金協助不數月而工告竣且慮漕艘往來有虞增而高之視昔有加一壑虹影巍然稱壯觀焉。胡公名瑾號子懷三韓人時康熙庚申孟夏穀旦

乾隆湖州府志

王禪登清棠橋上徐步詩吳興富邱壑應接日不暇步出城  
西門溪山如畫盡修梁百餘尺烏鵲何年駕俯視綠波底青  
天白雲挂蒼山在橋上青水在橋下東峯霞綉林西嶺雪縞  
夜不見賣漿家但逢採樵者借問誰所爲孝侯賢五馬王面  
接山橋在迎禧門外跨大溪與礪山仁王山相接舊名礪山橋  
朱彝尊礪山橋觀漲詩重陽連夜雨初日汎舂波不上潦梁  
望安知秋水多淹留攀橋柳想像駕龍偕北渚漫漫愁思佳期  
奈別何唐書亭集

基山橋在城西北二十三里基山村

三境橋楊家橋俱在城西北二十五里楊家村

七里橋河沙其橋傾家橋朱公橋俱在城西北二十五里白雀

鉅店橋在城西北三十五里橋塘

白鶴橋在城西北四十里山山村

橋在臨湖門外

潘公橋在臨湖門外

于慎行潘公橋記今少保印川潘公奉其先贈尙書僊菴公之命而建也湖城苔雪夾流北合而趨於湖形家謂之去水去水者風氣不完而兩岸之間雨水時至不辨牛馬一葦之航歲有覆溺僊菴公戚焉嘗欲橋於二水之會以安里人而資志以愛少保公每念之甲申歸謀諸烏程令楊君應聘楊君曰與梁之政職在有司請具畚楫以從公曰不然以里門之有跋涉戚我先公豈其敢勤隸人繼志謂何祿賜之餘可以施者毋敢愛也凡費二千五百金始于萬歷乙酉三月迨庚寅十月成橋長百有四十八博二十尺其下爲五空焉蜿蜒穹窿扼雙流而束之於形勝稱善往來於上者如過枕席相與歡欣謳吟而德之名之曰潘公懷行曰偉哉少保公衍

澤濟美以光前烈可謂孝矣公持節治河前後幾三十年上下數千里間其訐謗鴻臚著在圖史耳目之所不能盡也以其進而効於國者如彼而退而修于鄉者如此蓋公所爲光前烈而施於名實之際者可以爲世法矣故吾樂紀其事而以勒于貞珉

穀城山房集

大通橋在臨湖門外上新橋南

王永寧大通橋記  
寒宗聚族於濠上當郡之西北中隔一溪則名害濫而衝激澎湃凡水鞠居民咸感額於津茂之孔艱先王父司理公請之郡侯侯矢期一橋名曰大通士民便之越五十餘年而橋圯郡侯季公復擴而大之易其名曰永賴今復三十餘年石欄頽碑初蝕矣梁溪翁堂陳侯以觀察守吾湖慨然捐帑金醵工繕治而復其額曰大通告成功者西閏歲此一舉也寧惟兩涯民頌利有攸往凡茲輦路監



擔負而四方之者實世蒸藜之念聞大衆難集大功難成後  
大衆興大工而民不罷勞國無妄費非仁政得民之深烏能  
勝其任乎侯治郡閱五年深仁厚澤膏淪髓浹夫誰不奮斯  
橋所由飭其以是哉敬書之以告來者時萬歷己酉仲秋記

上新橋下新橋俱在臨湖門外

市陌路橋在城北二里市陌路

永興橋水塘橋俱在城北六里市陌路

八字橋在城北八里

後莊廟橋鳳凰橋俱在城北十里後莊村

油車橋在城北十里烏龍兜

橫塘港橋老鴉橋黑板橋回望橋長田橋俱在城北十里

鍾家橋天明橋俱在城北十里客頭

心田橋在城北十二里

馬和縣志  
閔家橋在城北十三里

張家橋在城北十五里前山村

官瀆港橋在城北十五里官瀆

葫蘆頭橋在城北十五里

西山港橋在城北十六里

蔣家橋在城北二十里蔣家圩

泥港橋張婆港橋俱在城北二十里

前莊橋在城北二十里前莊村

黑龍廟橋顧家港橋長坂橋俱在城北二十里

丁家港橋在城北二十里丁家村

火燒橋裕後橋宅前橋俱在城北二十里

漁山橋在城北二十里漁山村

計家港橋在城北二十里計家村

太史橋在城北二十里太史灣

衙前善慶橋寺橋清車橋俱在城北二十里

通濟橋在城北二十里跨通濟港

戴步松鳳山橋俱在城北二十里戴山

楊濱橋在城北二十里跨楊濱港

拳家橋在城北二十里

蔡浦橋在城北三十五里

塘邱港橋在城北三十里邱家兜

直下橋在城北三十里直下村

湯家港橋在城北三十里仁塘灣

計家橋在城北三十里計家村

善民橋晨舍塘橋在城北三十里晨舍村

楊道橋廣濟橋塘門橋雁上橋楊馬橋楊龍橋打紙橋王家橋白

雲橋俱在城北三十里

聖堂橋在城北三十里

職里斜橋在城北三十里職里

大石橋百王橋俱在城北三十里

永安橋興福橋在城北三十五里

圓通橋在城北四十里

鐵店橋在城東北九里毘山村

太平橋在城東北九里

王母來橋在城東北十里孤潭村

邵墓橋在城東北十里邵墓村

馮六橋在城東北十里漚沮

壽橋在城東北十里費家壩

三壩橋在城東十里三墩村

東濠新橋在城東北十里東濠村

急水港橋在城東北十里急水港

潘家港橋在城東北十二里潘莊

吳家橋在城東北十三里

南高橋在城東北十五里南高村

北高橋在城東北十六里北高村

高橋在城東北二十里

吳橋在城東北二十里吳村

新橋在城東北二十里蔡塔

福安橋戴山橋俱在城東北二十里戴山村

諸濠塘橋在城東北二十里

沈濠塘橋在城東北二十里

安渡塘橋在城東北二十二里

月影橋在城東北二十三里月莊村

後林橋陶灣浜橋青石橋俱在城東北二十五里

皮藕橋凌珠橋俱在城東北三十里

珍珠橋在城東北三十里珍珠壩

崔家橋在城東北三十里仁塘灣

山溪橋雲橋後厝橋俱在城東北三十里

因心橋石灰橋驢橋戴步橋小豐橋火燒橋俱在城東北三十

里

鄭家橋在城東北三十里鄭港

東橋在城東北三十里東橋村

陳家橋南竺橋北竺橋黃閔橋潘陽橋亨保橋馬欄橋俱在城

北三十里

橋在城東北三十二里

塔兒橋俱在城東北三十五里後陳村

觀音大橋白龍橋新橋俱在東北三十五里

幻湖淩橋太湖橋楊家橋俱在城東北四十里

上林橋在城東北四十里驛村東

觀音橋在城東北四十里舊館村

淤澤橋湖坂橋俱在城東北四十里談池

東西金淩橋在城東北四十一里

許淩橋在城東北四十三里

楊淩橋在城東北四十四里

義阜橋在城東北四十六里

亭子橋滑石橋俱在城東北五十里

聖堂橋在城東北五十里聖堂兜

太平橋吳橋北聖堂橋登雲橋亮家橋通濟橋興濟橋橫塘橋中  
塘橋趙家橋棘里橋俱在城東北五十里

鳳凰橋在城東北五十里乳村西

白鐵橋在城東北五十里白鐵港

百念畝橋在城東北五十二里

鳳凰橋灰塵橋俱在城東北六十里

尤家橋在城東北六十里三里塘

伏虎橋在城東北六十里每三斤

渡船橋在城東北六十里渡船村

費家橋在城東北六十里聖堂兜

又新橋銀子橋菴橋楊家橋俱在城東北六十里

打鐵橋丁涇橋俱在城東北六十里丁涇村

後填橋在城東北六十里西陽



雙橋博濟橋馬家橋盛渡橋俱在城東北六十二里

渡橋在城東北六十三里

濟渡橋張官橋俱在城東北六十四里

瀾渡橋下往橋白乙橋俱在城東北六十五里

瑣茗橋在迎春門外茗水自南來至此一鎖北入昆山溪故名順

治五年里人方永春鄔天選捐貲重修

外渡橋舊名橋雙橋二里橋三里橋俱在迎春門外

八里店橋餘慶橋俱在城東十里

德新橋在泮館卽高橋明正統中里人陳孟通重建上有亭今廢

七里橋八里橋俱在城東十五里塘上

錢村橋在城東十五里錢村中

莘老橋在城東十五里

仁安橋在城東十六里

九里橋施家橋費公橋和尚橋永貴橋俱在城東十七里

富平橋西余橋常登橋善慶橋計港橋蒲山橋師家橋跨塘橋宜

興橋咸淳橋俱在城東二十里

咸資橋在城東二十里咸資村

昇山橋在城東二十里昇山村

鹽川橋在城東二十里塘河

烏菱橋西卸甲橋俱在城東二十五里

鳳林塘橋在城東二十五里鹽西

東卸甲橋在城東二十六里

歲豐橋咸亨橋興福橋公明橋俱在城東三十里

會仙橋在城東三十五里鹽村

東石橋塘橋七家橋麻皮橋俱在城東三十五里

黑橋在城東三十五里南庄

太平橋在城東四十四里

紫對橋在城東四十六里

聖堂橋通聖橋俱在城東五十里

三濟橋范村橋楊蔣橋俱在城東五十里驢東范村

謝公橋在城東五十里謝村南

潘濂橋在城東五十里謝村

軋村橋在城東五十里軋村

曹斷橋在城東五十里曹家斷

錫作橋在城東五十里軋東

鳳凰橋通濟橋俱在城東五十里軋西

永新橋在城東五十三里

濮渡橋游仙橋俱在城東五十五里

通湖橋在城東五十五里交軋村

五浦塘橋在城五十六里

陳漫塘橋蔣漫塘橋俱在城東五十七里

錢漫橋新浦橋吳涇渭橋女家橋五龍橋魯涇橋回瀾橋安仁橋

迎賜橋東塘橋姑嫂橋顧家橋磚家橋龍首橋金壇橋隆水橋

五甲里橋按鎮橋祥符橋市橋接福橋洪源橋翟公橋秋末橋

息塘廟橋俱在城東六十里

東壽星橋西壽星橋祐村橋俱在城東六十里

鸞涇橋在城東六十里石頭堍

橫港橋在城東六十里梅林

普安橋在城東六十里梅林

上錢橋在城東六十里上錢村

東遷橋在城東六十里東遷鎮

五林橋在城東六十里五林村

潘橋在城東六十里前潘

泗水塘橋在城東六十里泗水塘

石橋浦橋在城東六十二里

淺橋在城東六十三里

太平橋九里橋俱在城東六十五里

沈婆橋在城東六十五里東遷

三里橋舉安橋塘橋南沈橋洪城橋化壇橋太平橋張家板橋俱

在城東七十里

馬要橋在城東七十里馬要鎮

觀音橋在城東七十里染店兜

木甕橋楊巷橋俱在城東七十里想四

渡船橋在城東七十里圻四圩

棟樹橋在城東七十里西林圩

丁家橋在城東七十一里五舍兜

北會橋在城東七十八里

章家橋在城東南五十五里謝村南

謝公橋傅家橋在城東南五十五里謝村

新橋在城東南五十五里邢密村

金剛橋在城東南六十里邢密村

東橋魚橋在城東南六十里

新橋在南潯東柵跨運河

以下橋俱在南潯鎮

祖師橋在東柵俗名馬家橋

迴津橋在東柵跨運河俗名大橋

東市橋長板橋俱在東柵

垂虹橋在西柵南潯志相傳有大范園其橋上建晏公祠鎮之

西市橋豐年橋清風橋俱在西柵

橋俱在南柵舊志云

明月橋在南柵與濟風橋南北相對俗名泰安橋

便民橋興福橋南安橋俱在南柵

廣惠橋在南柵側有張王廟俗名張王廟橋

康王寺橋在南柵舊志云

太平橋天帶橋俱在北柵

雲興橋在北柵旁有保閣董侯所建

漫溪橋馮公橋洪濟橋南林橋華家橋永濟橋七里塘橋風月橋

北新橋微穀橋俱在本鎮

望仙橋在烏鎮烏將軍廟西南以下橋俱在烏鎮

南昌橋跨南北河明嘉靖三十年建

登瀛橋在崇福宮北俗名柵橋

善利橋跨南北河俗名二井橋舊志云

衆睦橋俗名竹木橋又名賣魚橋爲青文龜鎮之魚群聚於此

普寧橋俗名道堂橋

虹橋在東嶽廟西

淳熙橋在廣福寺東宋淳熙中建俗名談家橋

耕雲橋舊名張家板橋今易以石

吳橋在南柵稽家漚之西

冊子橋在虹橋南

興德橋在東寺港口宋紹興中建元至正乙亥重修

通津橋明宏治中鎮人王麒改石梁

本朝康熙中鎮民顧思懷重修爲青文龜一名通津橋所安舊書之水故以名之

雙溪橋在利濟院北舊名太平橋

金家橋明嘉靖中建

官人橋俗名觀音橋



放生橋明萬歷三十年鎮人唐守禮建

普濟橋俗名北新橋

仁濟橋俗名柵橋明正德十三年環石

通濟橋在仁濟橋西明正德十年建萬歷中重修

富春橋在南昌門北

紫梗橋舊名衆安橋

安利橋俗名八字橋宋紹興中建

爲青文獻嘗鎮中四達之說橋石工巧

梯雲橋俗名自娘子橋明正德十三年改石梁

利濟橋在利濟院北

飛蓋橋在會通橋北

西中橋在西街之中俗名顧家橋

平等橋俗名宋家橋

廣濟橋在普靜寺西南俗名排橋

裴倉橋在官人橋南

廣生橋在慈雲寺東宋時建

烏青文獻上石廟工巧

龍灣渡在清源門外

龍溪渡在奉勝門外

昆山渡在昆山溪通大錢港口

王家庄渡在城西十里

瓜村渡生八十六庄

補遺

雖憐重建儀鳳橋記湖郡之水發源天目南自定安門而入者曰雪西自清源門而入者曰苕合于江于漚北出臨湖門以歸具區水道橫亘郡城惟西南爲通衢而儀鳳橋實當其衝程安二邑接壤往來旁午行旅攸賴先是康熙二十七年郡守潘嘗修之歷今五十八載矣歲久墮頽木朽石穿其

應龍將卽頽屨予心實屢隱憂因與諸公書請書升謀作  
新之請命于郭侯侯公曰營獨計於公之志而奇質亦  
如之而長則五倍焉工鉅費繁非千餘緡不克濟乃募好  
義量力捐助消吉于臘月鳩工先十餘日余適舟組署篆吳  
君士鵠力肩其任今年春始事閱月而告成嗣是行人無顯  
弊之虞如砥如矢不異康莊余不敏雖銳志經始實賴同事  
者共成厥功利濟永久弗可泯沒乃書其由來以識歲月云

烏程縣志卷之十一終